



Wira va koni birafi zveri grabimesi va moukolam tir destara ! Neken lakroda dem aultap va tovukol malestur. Batitze milli zveri va baroy bat sebadadunol layates van taviz su onser.

Voxen tan bat moukolam tir kallansod numen lakroda va tanoy arteek ke in askir. Arti lojora, zveri va froumu kun nixempa is meraday imolk di putooar.


Lakroda dem aultap

Tcordik ke bira. Lakroda dem aultap (*Stercorarius longicaudus*) va man ikayolt riwecker kiren maninde fentugalon va pakap ke sinka levseotar : dure onson va anyoni zveri (lakro is lofta is krepay) vieli sini va warzeks ke intafa onara tulegenan tere jowled. Tison tuzafa is kalliafa loon dam kosik, lakroda va vangira cugviele tceder. Batinde gilaskir nume en tir com kire me rodefonar. Bak rotaf cadim, bagon iltafalon lamar : vameo Guinea pargalu (bwafa Afrika) is dace loon geeon zo dizveyer. Lakroda bak alubeaksat ko arttikafa ruga dimtalar. Jontikviele millize dam daretandon di begamur. Batvieli inafa sinkarinda en koton zo betar : va sebadadunolam riwe tanon malestur, i va satcon tovukol bam rotadles va 80 % ke intaf wiiveem. Va vimkol is zverioe (oc ke yona dadjuginda iku kipsayinda iku proklaci) is beza is dace yona voja ke indiva ik aejada.

Toloyo ato, dye. Nazbalkera ke lakroda, dum tela ke bugimoda is barenda, va aultoves sebadadunol ruptecker. Kotviele man sulem tid abic, pune apu ke tolongem me di atoar ! Voxen kotviele lakroda askickir, pune va toloyo ato dye di atoar. Neki ke bat askiks co tir nope inafa cwarinda : cwara aykason va ato moe pivot, va toloya runda anton jupar ! Ison, lakroda va toloya cwasa pozla anton dir, i va jivotki lizu bruxa moi divatoara griiksantuwed numaze va idul-deara tafakad.

Lakroda dem aultap koe anamenaelo gibegamar : Skanda is Sibira is Lentafa Amerika voxis Svalbard is Nunaata.

Abrotce : 37 cm- (is 17 ik 25 cm- ke aultbruxapa)
Aldo : 230 - 350 g-
Wiltade : 90 - 94 cm-.



Yolt ke lakroda dem aultap tir vey toloya bruxapa kalke ault, abrotcafa vas 27 ik 35 cm-. Oral tir demakirapaf. Brucka tir gemapafa ise va tela ke apaska divozar, i ke zveri ke bwafa bira. Inieem sotir pivotkraf dum tel ke lofta.



Arti ocaugual vas 23 viel, toluy lakrodok besanaf gu saya divatoad. Arti tanka ok tolka, va atoxo bilud ise art konake sanoye metre illanid, bravason valey crdada ok dzopoka. Ba kha vas 26 viel, parmon itlad.

Lakroda me klabar da ato ok oc gu vanlanis ok vantatas kujdik kevrojor. Batitze naelaf inestol kranoveson bazalar. Voxen zveri va kixvuoc kev ayik diere exakkar , estobason drumo inafa taka, va in battode lassuqlekkur.

